

## ADDENDA AO CONVENIO ENTRE A AXENCIA DE TURISMO DE GALICIA E O CONCELLO DE ARTEIXO PARA A EXECUCIÓN DO PROXECTO BÁSICO E DE EXECUCIÓN PARA A REHABILITACIÓN DA CASA DE BAÑOS DO EDIFICIO DO BALNEARIO DE ARTEIXO NO MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA-NEXTGENERATIONEU

Santiago de Compostela, data da sinatura dixital

### REUNIDOS

Dunha parte, D. José Manuel Merelles Remy, director da **Axencia de Turismo de Galicia**, en virtude do nomeamento efectuado polo Decreto 75/2024, do 22 de abril (DOG núm. 81, do 24 de abril), e conforme ás facultades que lle confire o apartado dous da disposición adicional segunda do Decreto 135/2024, do 20 de maio, de estrutura orgánica dos órganos superiores e de dirección dependentes da Presidencia da Xunta de Galicia (DOG núm. 101, do 27 de maio), que desconcentra na persoa titular da Dirección da Axencia a competencia para subscribir convenios de colaboración no seu respectivo ámbito competencial, de acordo co previsto no artigo 15.2.c) dos estatutos da Axencia de Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

E da outra, D. José Carlos Calvelo Martínez, en nome e representación como Alcalde Presidente do Concello de Arteixo, en virtude das facultades representativas que lle atribúe o artigo 61.1 da Lei 5/1997, do 22 de xullo, reguladora da Administración local de Galicia e na Lei 7/1985, do 2 de abril, reguladora das bases do réxime local.

Interveñen en función dos seus respectivos cargos en exercicio das facultades que, para convir en nome das entidades que representan, teñen conferidas.

### EXPOÑEN



**Primeiro.-** Que o 28 de febreiro de 2025 asinouse un convenio que ten por obxecto articular a colaboración entre as partes asinantes co obxectivo de executar o proxecto básico e de execución para a rehabilitación da Casa de Baños do edificio do Balneario de Arteixo, con cargo aos Fondos Europeos procedentes do Mecanismo de Recuperación e Resiliencia, así como o importe necesario para a súa execución.

En concreto, este proxecto incluído na ACD Galicia, destino termal de referencia enmárcase no Obxectivo 219 da Decisión de Execución do Consello, relativo á adxudicación do orzamento para os Plans de Sustentabilidade Turística en Destinos , así como nos fitos 220, relativo á execución dos Plans de Sustentabilidade Turística en Destinos, e 221, relativo á finalización dos Plans de Sustentabilidade Turística en Destinos.

A vixencia deste convenio esténdese ata o 30 de xuño de 2026.

**Segundo.-** O Plan Territorial de Sostenibilidade Turística de Vilas termais e Cascos históricos de Galicia impulsará o turismo termal sostible en Galicia mediante o fortalecemento e a posta en valor dos seus recursos termais, naturais e culturais, integrando estratexicamente a oferta turística e converténdoa en produtos innovadores e atractivos para todo o ano. Co obxectivo de garantir a conservación dos recursos e impulsar a actividade turística dunha forma sostible, o Plan Territorial de Sostenibilidade Turística de Vilas Termais e Cascos Históricos de Galicia foi planificado rigorosa e coherentemente. As intervencións programadas a través da ACD e dos 7 PSTD, xunto ao PSTD do Plan Nacional, responden ao obxectivo de impulsar a transformación e o crecemento do sector termal e do turismo azul na comunidade, respectivamente.

Polo que respecta á ACD Galicia, o seu obxecto constituía a Rehabilitación do Pazo Provincial de Ourense para albergar un balneario e o centro de Innovación e de Investigación do Termalismo de Galicia. Debido á imposibilidade de licitar e, consecuentemente, executar as obras necesarias para a execución do proxecto inicialmente aprobado, dispónse dun proxecto alternativo para a rehabilitación e ampliación da Casa de Baños do Balneario de Arteixo, que sí está en condicións de poder licitarse e executar en tempo e forma, e de acordo cos prazos aprobados inicialmente, conseguindo deste modo cumprir co calendario estinatorio de actuacións inicialmente aprobado. Esta modificación proposta foi aprobada en reunión da



Comisión Bilateral entre a Secretaría de Estado de Turismo e a Comunidade Autónoma de Galicia o 13 de setembro de 2024.

As actuacións específicas previstas no Convenio asinado o 28 de febreiro de 2025 –execución do proxecto do Concello de Arteixo, referenciado na ACD Galicia, destino termal de referencia do Acordo da Conferencia Sectorial de Turismo do 14 de decembro de 2022 e modificado en Comisión Bilateral o 13 de setembro de 2024–, son definidas no Plan Territorial de Sustentabilidade Turística de Galicia e financiadas pola Unión Europea -NextGenerationEU, con cargo aos Fondos Europeos do Mecanismo de Recuperación e Resiliencia no marco do Plan de Recuperación, Transformación e Resiliencia –Compoñente 14– regulado no Regulamento (UE) 2021/241 do Parlamento Europeo e do Consello, do 12 de febreiro de 2021. Igualmente evidénciase a concorrencia de dificultades razoables para realizar a concesión delas por medio do procedemento ordinario de convocatoria pública, dada a previsión das entidades beneficiarias concretas e definidas. No Acordo da Conferencia Sectorial de Turismo faise constar o crédito asignado á Comunidade Autónoma de Galicia, 21.235.000 € do plan territorial máis 2.000.000 € do plan nacional, destinados ao financiamento de actuacións de investimento por parte de entidades locais. Así, en relación ó Concello de Arteixo, o instrumento de intervención é o desenvolvemento do proxecto básico de execución para a rehabilitación da casa de Baños do edificio do Balneario de Arteixo, por un importe de 2.000.000 euros.

**Terceiro.-** O Concello de Arteixo comunica que o proxecto se adjudicou o 15 de maio de 2025, por un importe de 2.233.490 sen IVE (2.702.522,9 € IVE incluído), importe inferior ó orzamento estimado que recollía o convenio. A adjudicación do contrato formalizouse o 16 de maio de 2025

O día 2 de setembro de 2025 o arquitecto presenta modificado de proxecto de obra, fundamentado o modificado nos seguintes termos:

- Unha vez analizadas as placas de fibrocemento que conforman a cuberta, detéctase nas mesmas a presenza de amiantos, o que fai imprescindible a súa retirada e impide, por tanto, o seu aproveitamento, tal e como estaba previsto no proxecto.
- O estado da estrutura existente da cuberta, de cerchas de madeira (con reforzos metálicos en moitos dos apoios e pudrición da madeira nun porcentaxe importante das cabezas), sumado ao incremento de cargas que derivará da adición dunha capa de cobertura de panel sándwich e á suspensión de novas instalacións, fai conveniente a substitución total da estrutura por unha máis adecuada ao uso e ás necesidades actuais dun edificio destas



características. Esta modificación da estrutura da cuberta do edificio afecta, inevitablemente, ao seu encontro coa cuberta acristalada prevista para o patio central, que tamén será necesario modificar.

- O informe desfavorable emitido no mes de xuño pola Dirección Xeral de Saúde Pública que ditamina que a auga dos mananciais está contaminada, fai necesaria a adopción de solucións non previstas no Proxecto co obxecto de adoptar as medidas necesarias para realizar “as actuacións que se consideren necesarias para que non existan estes indicios de contaminación nos devanditos mananciais e nas instalacións finais”. Ditas medidas implican a remodelación das instalacións incluíndo, entre outras cousas, unha instalación para desinfección das augas e a execución dun revestimento interior dos pozos que ofrezca maiores garantías sanitarias, que obriga a levar a cabo unha intervención non prevista no proxecto orixinal, incluíndo o tratamento dos paramentos verticais dos muros perimetrais.

Dito informe emitiuse con posterioridade á redacción do Proxecto e á adxudicación das augas, polo que a instalación de desinfección non estaba prevista inicialmente. - As novas exixencias no tratamento das augas; así como as necesidades de acondicionamento e illamento acústico para minimizar as molestias que o seu funcionamento poida ocasionar aos veciños, fan necesario incrementar as dimensións do cuarto técnico previsto no exterior.

Isto provoca, á súa vez, que resulte inviable a súa execución nalgunhas das dúas ubicacións previstas no proxecto, no vial entre o balneario e o hotel; sendo necesaria a súa reubicación na Praza do Balneario.

- Por último, unha vez demolido o interior do inmovible, detectouse unha serie de incidencias de menor importancia que implicarán variacións tanto na distribución, como na estrutura do inmovible. Estas variacións tamén se recollen no Proxecto Modificado

**Cuarto.-** Co obxecto de garantir a viabilidade integral do proxecto e o cumprimento dos fitos e obxectivos comprometidos no marco do Mecanismo de Recuperación e Resiliencia, decídese reaxustar o orzamento en base á cantidade do importe da adxudicación, incrementando así mesmo o importe da cantidade precisa para levar a cabo o modificado. De xeito que os 2.000.000 que aporta a Axencia se distribúan en 2 anualidades, se minora a aportación levada a cabo polo concello sendo asumida pola Axencia, así como incrementando a cantidade indicada no modificado sen o IVE (313.680,55€). O total queda do seguinte xeito coa distribución por anualidades:

Anualidade 2025: 1.662.743,77 €



Anualidade 2026: 650.936,78 €

Ademais, compre precisar que no convenio inicial se contemplou que o IVE da anualidade 2025 se imputaba na súa totalidade á anualidade 2026 polo que é preciso aclarar, que aínda que o IVE é asumido pola entidade local, ten que ir reaxustado en cada anualidade.

En base ao exposto no expoñen terceiro procédese a modificar a cláusula terceira no referido ó incremento do importe subvencionable así como o Anexo I.

Por estes motivos, acórdase subscribir a presente addenda que se rexerá polas seguintes

## CLÁUSULAS

### Primeira. Obxecto

Modifícanse as cláusulas terceira, cuarta e o anexo I, de forma que quedan redactadas do seguinte xeito:

### Terceira. *Custo das actuacións e gastos subvencionables.*

O custo das actuacións previstas no presente convenio cífrase en 3.082.076,37 € (IVE incluído), que se financiará conforme a seguinte distribución:

| Eixes Programáticos                        | Actuacións   | Anualidade 2025 | Anualidade 2026 | Total        |
|--|--|-----------------|-----------------|--------------|
| <b>Eixe 1. Transición Verde e sostible</b> | <b>1</b><br>Casa de Baños. Rehabilitación sostible do edificio adaptándoo ao cambio climático promovendo o aforro enerxético, o uso de enerxías renovables, o manexo adecuado de residuos, a integración de vexetación nos proxectos edilicios |                 |                 |              |
|  | Actuacións previas   | 132.979,04 €    |                 | 132.979,04 € |
|  | Movimentos de Terra  | 19.728,17 €     |                 | 19.728,17 €  |
|  | Cimentación  | 54.541,48 €     |                 | 54.541,48 €  |
|  | Estrutura  | 273.069,61 €    |                 | 273.069,61 € |
|  | Cuberta  | 95.195,18 €     | 95.195,18 €     | 190.390,36 € |
|  | Climatización  | 246.932,70 €    | 51.615,84 €     | 298.548,54 € |
|  | Deshumectación   | 112.713,42 €    | 112.713,42 €    | 225.426,84 € |
|  | Ventilación  | 47.040,10 €     |                 | 47.040,10 €  |



|   |   |  |                       |                       |                     |
|---|---|--|-----------------------|-----------------------|---------------------|
|   | Fontanería                                  | 67.359,76 €  | 19.357,90 €           | 86.717,65 €           |                     |
|   | Saneamento                                  | 23.816,00 €  |                       | 23.816,00 €           |                     |
|   | Conexión eléctrica equipos                  | 16.370,11 €  | 49.110,33 €           | 65.480,44 €           |                     |
|   | Pluviais                                    |  | 10.393,73 €           | 10.393,73 €           |                     |
|   | Protección contra incendios                 |  | 11.365,50 €           | 11.365,50 €           |                     |
|   | Electricidade BT                            |  | 38.096,57 €           | 38.096,57 €           |                     |
|   | Varios                                      |  | 19.153,31 €           | 19.153,31 €           |                     |
|   | Proxecto e legalización instalacións        |  | 23.770,52 €           | 23.770,52 €           |                     |
|   | Albanelaría                                 | 95.412,22 €  | 23.853,06 €           | 119.265,28 €          |                     |
|   | Carpintería, cerraxería e vidros protección | 145.130,94 €   | 145.130,94 €          | 290.261,88 €          |                     |
|   | Aillamentos e impermeabilizacións           | 90.504,98 €  |                       | 90.504,98 €           |                     |
|   | Control de calidade                         | 10.637,88 €  | 12.172,35 €           | 22.810,23 €           |                     |
|   | Pintura                                     |  | 81.487,60 €           | 81.487,60 €           |                     |
|   | Equipamentos                                |  | 123.959,84 €          | 123.959,84 €          |                     |
|   | Xestión Residuos                            | 13.308,35 €  | 8.317,72 €            | 21.626,08 €           |                     |
|   | Seguridade e Saúde                          | 12.646,65 €  | 7.904,16 €            | 20.550,81 €           |                     |
|   | <b>Total EIXE 1</b>                         | <b>1.452.387 €</b>   | <b>838.598,04 €</b>   | <b>2.290.984,73 €</b> |                     |
| <b>Eixe 2.<br/>Mellora<br/>da<br/>eficiencia<br/>a<br/>enerxética</b> | 2   | Casa de Baños. Xestión enerxética. Trátase de garantir a sostibilidade e eficiencia enerxética das instalacións termais, que ademais manexan en orixe recursos con propiedades xeotérmicas   |                       |                       |                     |
|   |   | Depuración e filtración  | 197.274,33 €          | 65.758,11 €           | 263.032,43 €        |
|   |   | Producción ACS   | 171.104,14 €          | 57.034,71 €           | 228.138,86 €        |
|   |   | Quecemento vaso piscina  | 26.395,48 €           |                       | 26.395,48 €         |
|   |   | Presuración de auga  | 9.138,37 €            |                       | 9.138,37 €          |
|   |   | Revestimentos e solados  | 150.621,05 €          | 40.980,31 €           | 191.601,36 €        |
|   |   | <b>Total EIXE 2</b>  | <b>547.613,31 €</b>   | <b>170.693,16 €</b>   | <b>718.306,48 €</b> |
| <b>Eixe 3.<br/>Transición<br/>dixital</b>                             | 3   | Casa de Baños. Desenvolvemento de contornas intelixentes (implantación de sensores que melloren a xestión do edificio e do entorno: alumado intelixente, rego intelixente, eficiencia enerxética intelixente, aparcamento intelixente, sensorización de espazos medioambientais intelixentes |                       |                       |                     |
|   |   | Telecomunicacións  |                       | 2.480,61 €            | 2.480,61 €          |
|   |   | Rack e vídeo vixilancia  |                       | 29.022,97 €           | 29.022,97 €         |
|   |   | Sistemas de Xestión do edificio I + D Ecoef  |                       | 41.281,73 €           | 41.281,73 €         |
|   |   | <b>Total EIXE 3</b>  |                       | <b>72.785,31 €</b>    | <b>72.785,31 €</b>  |
| <b>Total</b>  |   | <b>2.011.919,96 €</b>  | <b>1.070.156,41 €</b> | <b>3.082.076,37 €</b> |                     |

O orzamento estimado das actuacións previstas neste convenio é de 3.082.076,37 € (IVE incluído).

A Axencia de Turismo de Galicia, achegará 2.313.680,55€ con cargo á aplicación orzamentaria 04.A2.761A.760.0, código de proxecto 2022 00001 «Mecanismo de Recuperación e Resiliencia»,



con cargo aos fondos procedentes do MRR, no marco do Plan de Recuperación, Transformación e Resiliencia, financiado pola Unión Europea-NextGenerationEU, consignados nos orzamentos xerais da Comunidade Autónoma de Galicia para o ano 2025 e 2026 repartidos do seguinte xeito:

Anualidade 2025: 1.662.743,77 €

Anualidade 2026: 650.936,78 €

Dado que o IVE non é elixible, o concello asumirá o seu importe con cargo ós seus fondos propios.

O orzamento necesario para completar a execución do resto de accións previstas será financiado con fondos propios dos seus orzamentos polo Concello de Arteixo, que realizará unha achega total de 768.395,82€, que se desglosa do seguinte xeito:

Anualidade 2025: 349.176,19 €

Anualidade 2026: 419.219,63 €

Dado que o IVE non é elixible, o concello asumirá o seu importe con cargo ós seus fondos propios.

Calquera cambio que se realice nas accións descritas, requirirá a conformidade e aprobación da Axencia de Turismo de Galicia para a súa realización.

As actuacións contidas no Convenio co Concello de Arteixo financiaranse con fondos da Unión Europea-NextGenerationEU polo Mecanismo de Recuperación e Resiliencia da Unión Europea, establecido no Regulamento (UE) 2021/241 DO Parlamento Europeo e do Consello, do 12 de febreiro de 2021.

Entenderanse como gastos financiados todos aqueles que de maneira indubidada respondan á natureza da actividade, destínanse a alcanzar o fito 221 mediante a realización de actividades e resulten estritamente necesarios e realícense dentro do prazo establecido no presente convenio. Así mesmo considéranse custos financiados:

- a) As contratacións externas de enxeñería, seguimento e obra civil.
- b) Os contratos de compra de equipos, incluíndo equipamento tecnolóxico e equipos informáticos, relacionados coas actuacións financiados.



- c) A adquisición de licenzas de software de carácter especializado e destinado exclusivamente á actuación e que posibilite a utilización adecuada do equipamento adquirido.
- d) As contratacións externas de consultoría, que leven a cabo dentro da actuación obxecto da subvención como parte da mesma. Os estudos de viabilidade e de enxeñería de detalle serán subvencionables sempre que sexan necesarios para a realización da actuación. Poderán realizarse con anterioridade á data de elixibilidade, pero nese caso, o seu custo non sería elixible.
- e) As contratacións externas para traballos de asesoramento legal, notaría, asesoramento técnico ou financeiro contabilidade ou auditoría, se están directamente ligados ao proxecto e son necesarios para a súa preparación ou desenvolvemento, a condición de que fosen contemplados no orzamento.

Segundo o artigo 31.8 de la *Lei 38/2003, de 17 de novembro, General de Subvenciones*, os tributos son gasto subvencionable cando o beneficiario da subvención os abona efectivamente. En ningún caso se consideran gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

Así mesmo, non se considerarán custos financiáveis:

- Autorizacións administrativas, licenzas, permisos, custo de avais e/ou fianzas e multas.
- Calquera gastos asociados a xestións, contratacións, consultas ou trámites administrativos, aínda sendo necesarios para a obtención de permisos ou licenzas.
- Seguros subscritos polo solicitante.
- A vixilancia e seguridade durante a execución da obra ata a data de posta en marcha.
- Calquera custos financeiros.
- Custos asociados a sancións penais, así como gastos de procedementos xudiciais.
- Licenzas destinadas a sistemas operativos e aplicacións ofimáticas.
- Calquera gasto de operación e mantemento das actuacións ou gastos propios da administración.

Os gastos acreditaranse mediante facturas e demais documentos de valor probatorio equivalente, con validez no tráfico xurídico mercantil ou eficacia administrativa.

Os gastos subvencionables comprenden, en todo caso, os efectuados en relación ao PSTD realizados pola entidade beneficiaria desde o 1 de xaneiro de 2025.



## Cuarta.- Obrigas da Axencia de Turismo de Galicia

1.- A **Axencia de Turismo de Galicia** no exercicio das súas competencias e en virtude do Acordo da Conferencia Sectorial de Turismo do 9 de maio de 2023, polo que se fixan os criterios de distribución, así como a repartición resultante para as comunidades autónomas, do crédito destinado ao financiamento de actuacións de investimento por parte de entidades locais no marco do Compoñente 14 Investimento 1 do Plan de Recuperación, Transformación e Resiliencia, achegará en 2025 á entidade local beneficiaria a cantidade de 1.662.743,77 € e na anualidade 2026 a cantidade de 650.936,78 € con cargo á aplicación orzamentarias 04.A2.761A.7600, código de proxecto 2022 00001 segundo o establecido na cláusula terceira.

2.- A Comunidade Autónoma de Galicia deberá xustificar o cumprimento da finalidade para a que se concedeu a transferencia e a aplicación dos fondos percibidos ante a Secretaría de Estado de Turismo. Para iso, velará por que os proxectos adxudicados sexan executados conforme aos requisitos esixibles.

Igualmente, cumprirá as instrucións que tanto a Secretaría de Estado de Turismo como calquera órgano ou autoridade competente lle dirixa en aplicación de calquera normativa, tanto europea como nacional, que puidese aprobarse para a execución ou xestión tanto do Mecanismo Europeo de Recuperación como do PRTR.

3.-A Comunidade Autónoma de Galicia asume a responsabilidade en canto ao seguimento da execución contable dos gastos imputados a proxectos ou iniciativas do PRTR, de acordo co disposto no artigo 46 da Real Decreto-lei 36/2020, do 30 de decembro. Ademais, asume as obrigacións de información e rexistro da consecución dos correspondentes fitos e obxectivos nos termos previstos no artigo 3 da Orde HFP/1030/2021, do 29 de setembro, así como o resto de obrigacións establecidas na Orde HFP/1031/2021, do 29 de setembro

### ANEXO I

Actuacións, calendario estimatorio de actuación de conformidade cos fitos e obxectivos e orzamento desagregado, por anualidades.



| Eixes Programáticos                                 | Actuacións  | Anualidade 2025    | Anualidade 2026     | Total                 |
|---|---|--------------------|---------------------|-----------------------|
| <b>Eixe 1.<br/>Transición Verde e sostible</b>      | <b>1</b> Casa de Baños. Rehabilitación sostible do edificio adaptándoo ao cambio climático promovendo o aforro enerxético, o uso de enerxías renovables, o manexo adecuado de residuos, a integración de vexetación nos proxectos edilicios |                    |                     |                       |
|   | Actuacións previas  | 132.979,04 €       |                     | 132.979,04 €          |
|   | Movements de Terra  | 19.728,17 €        |                     | 19.728,17 €           |
|   | Cimentación   | 54.541,48 €        |                     | 54.541,48 €           |
|   | Estrutura   | 273.069,61 €       |                     | 273.069,61 €          |
|   | Cuberta   | 95.195,18 €        | 95.195,18 €         | 190.390,36 €          |
|   | Climatización   | 246.932,70 €       | 51.615,84 €         | 298.548,54 €          |
|   | Deshumectación  | 112.713,42 €       | 112.713,42 €        | 225.426,84 €          |
|   | Ventilación   | 47.040,10 €        |                     | 47.040,10 €           |
|   | Fontanería  | 67.359,76 €        | 19.357,90 €         | 86.717,65 €           |
|   | Saneamento  | 23.816,00 €        |                     | 23.816,00 €           |
|   | Conexión eléctrica equipos  | 16.370,11 €        | 49.110,33 €         | 65.480,44 €           |
|   | Pluviais  |                    | 10.393,73 €         | 10.393,73 €           |
|   | Protección contra incendios   |                    | 11.365,50 €         | 11.365,50 €           |
|   | Electricidade BT  |                    | 38.096,57 €         | 38.096,57 €           |
|   | Varios  |                    | 19.153,31 €         | 19.153,31 €           |
|   | Proxecto e legalización instalacións  |                    | 23.770,52 €         | 23.770,52 €           |
|   | Albanelaría   | 95.412,22 €        | 23.853,06 €         | 119.265,28 €          |
|   | Carpintería, cerraxería e vidros protección   | 145.130,94 €       | 145.130,94 €        | 290.261,88 €          |
|   | Aillamentos e impermeabilizacións   | 90.504,98 €        |                     | 90.504,98 €           |
|   | Control de calidade   | 10.637,88 €        | 12.172,35 €         | 22.810,23 €           |
|   | Pintura   |                    | 81.487,60 €         | 81.487,60 €           |
| Equipamentos  |   | 123.959,84 €       | 123.959,84 €        |                       |
| Xestión Residuos                                    | 13.308,35 €   | 8.317,72 €         | 21.626,08 €         |                       |
| Seguridade e Saúde                                  | 12.646,65 €   | 7.904,16 €         | 20.550,81 €         |                       |
| <b>Total EIXE 1</b>                                 |   | <b>1.452.387 €</b> | <b>838.598,04 €</b> | <b>2.290.984,73 €</b> |
| <b>Eixe 2.<br/>Mellora da eficiencia enerxética</b> | <b>2</b> Casa de Baños. Xestión enerxética. Trátase de garantir a sostibilidade e eficiencia enerxética das instalacións termais, que ademais manexan en orixe recursos con propiedades xeotérmicas   |                    |                     |                       |
|   | Depuración e filtración   | 197.274,33 €       | 65.758,11 €         | 263.032,43 €          |
|   | Producción ACS  | 171.104,14 €       | 57.034,71 €         | 228.138,86 €          |
|   | Quecemento vaso piscina   | 26.395,48 €        |                     | 26.395,48 €           |
|   | Presuración de auga   | 9.138,37 €         |                     | 9.138,37 €            |
|   | Revestimentos e solados   | 150.621,05 €       | 40.980,31 €         | 191.601,36 €          |
|   | <b>Total EIXE 2</b>   |                    | <b>547.613,31 €</b> | <b>170.693,16 €</b>   |



|   |          |   |                       |                       |                       |
|---|----------|---|-----------------------|-----------------------|-----------------------|
| <b>Eixe 3.<br/>Transición<br/>dixital</b> | <b>3</b> | Casa de Baños. Desenvolvemento de contornas intelixentes (implantación de sensores que melloren a xestión do edificio e do entorno: alumeado intelixente, rego intelixente, eficiencia enerxética intelixente, aparcamento intelixente, sensorización de espazos medioambientais intelixentes |                       |                       |                       |
|   |          | Telecomunicacións   |                       | 2.480,61 €            | 2.480,61 €            |
|   |          | Rack e vídeo vixilancia   |                       | 29.022,97 €           | 29.022,97 €           |
|   |          | Sistemas de Xestión do edificio I + D Ecoef   |                       | 41.281,73 €           | 41.281,73 €           |
|   |          | <b>Total EIXE 3</b>   |                       | <b>72.785,31 €</b>    | <b>72.785,31 €</b>    |
| <b>Total</b>                              |          |   | <b>2.011.919,96 €</b> | <b>1.070.156,41 €</b> | <b>3.082.076,37 €</b> |

## Segunda. Publicidade e rexistro da addenda. Consentimento para a publicidade de datos persoais

O réxime de publicidade da addenda será o establecido na Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios. A sinatura da addenda leva implícita a autorización para o tratamento necesario dos datos e a referida publicidade.

Asemade procederase a inscrición da addenda no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.

Coa sinatura da presente addenda as partes asinantes prestan o seu consentimento para incluír e facer públicos a través do Portal de Transparencia e Goberno Aberto e do rexistro regulado no Decreto 132/2006, do 27 de xullo, os datos de carácter persoal e mailo resto das especificacións contidas nesta.

## Terceira. Condicións

Esta addenda rexerese polas condicións estipuladas no convenio do que trae causa, formando parte integrante do mesmo.

Así mesmo, será requisito para a concesión da subvención que a entidade local cumpra o deber de remisión ao Consello de Contas das contas xerais de cada exercicio segundo o establecido



non artigo 4 do DECRETO 193/2011, do 6 de outubro, polo que se regulan especialidades nas subvencións ás entidades locais galegas.

Lida polas partes, por si mesmas, e como proba de conformidade co expresado nesta addenda, asíana na data da sinatura dixital.

O director de Turismo de Galicia

O alcalde do Concello de Arteixo

José Manuel Merelles Remy

José Carlos Calvelo Martínez

